四 庫全

書

薈

要・乾

隆 御

即览本史部

欽定四庫全書營要 連然事本木卷二十八上

詳校官員外郎臣楊世倫



立之世民固辭而止太子建成性寬簡喜酒色游畋齊 世民拜且解及為唐王将佐亦請以世民為世子上将 王元吉多過失皆無寵於上世民功名日盛上常有意 通鑑紀事本末卷第二十八上 宋 袁樞 7.3 9 501 12 data 19/ 龍世民日若事成則天下皆汝所致當以汝為太子 祖武德五年 太宗平内難 上之起晉陽也皆秦王世民之謀 通鑑紀事本末 撰

長子以自固建成與元古曲意事諸妃嬪諂諛賂遺 乾殿元吉居武德殿後院與上臺東宫畫夜通行無 代建成建成內不自安乃與元吉協謀共傾世民各 横長安中奪人田宅恣為非法有司不敢詰 樹黨友上晚年多內龍小王且二十人其母競交結 秘莫能明也是時東宫諸王公妃主之家及後宫親 所不至以求娼於上或言為於張婕妤尹德妃宫禁 限太子二王出入上臺皆乘馬攜弓刀雜 世民居 物

芀

四月日刊

當 民求寶貨及為其親属求官世民曰寶貨皆已籍奏官 如家人禮太子令秦齊王教與詔朝並行有司莫知所 授賢才有功者皆不許由是益怨世民以准安王神 敕賜之神通以教給在先不與婕好訴於上日勅 察建成元吉而短世民世民平洛陽上使貴妃等數 唯據得之先後為定世民獨不奉事諸妃嬪諸 洛陽選閱隋宫人及收府庫珍物貴妃等私從世 給田數十項張婕妤之父因婕妤求之於上

通鑑犯事本京

一妾 扩 外 府 為書生 日 屬 熕 析上終不信世民每侍宴宫中對 上先使德妃奏云秦王左右陵暴妄家上復怒責世 父田秦王奪之以與神通上遂發怒責世民曰我手 田田田田 指 如汝教邪它日謂 日汝何人敢過我門 妃嬪家猶 梅過其門阿鼠家僮 所 教非昔日子也尹德妃父阿鼠騎 為 汝左 左僕 卷二十 右 T 射裴寂日此 上 沂 一數人曳 陵 不下馬阿 况 诸妃嬪思太穆 小民子 女口 梅墜馬 兒久典兵 鼠恐世民 世民 横

筵

妄 由是無易太子意待世民浸疎而建成元吉日親矣太 太子仁孝陛下以妄母子屬之必能保全上為之愴然 相 妃 后 中允王珪洗馬魏徵說太子日秦王功盖天下中 嬪因密共潛世民日海內幸無事陛下春秋高唯宜 早終不得見上有天下或飲飲流涕上顧之不樂 心殿下但以年長位居東宫無大功 母子必不為秦王所容無子遺矣因 娯 樂 而秦王每獨涕泣正是僧疾妄等陛下萬歲後 相 **ን**. ′ 鎭 與江且日皇 服 海内

A.) To see di disto | |

通鑑紀事本末

為東宫衛士分屯左右長林號長林兵又密使右虞候 女口 手刃之世民從上幸元吉第元吉伏護軍宇文實於 自安太子乃請行於上上許之珪 内欲刺世民建成性順仁厚處止之元吉愠曰為兄 耳於我何有建成擅募長安及四方騎勇二千餘 初齊王元吉勸太子建成除秦王世民日當為 殿下宜自擊之以取功名因結納山東豪傑 頻之兄子也

劉

四月日11

黑閥散亡之餘衆不滿萬資糧匮乏以大軍臨之勢

卷二十八上

於舊州慶州都督楊文幹當宿衛東宫建成與之親厚 歲又使郎将爾朱焕校尉橋公山以甲遺文幹二人至 元吉皆從建成使元吉就圖世民日安危之計决在今 私使募壮士送長安上将幸仁智宫命建成居守世民 州上變告太子便文幹舉兵欲表裏相應又有寧州 以補東官長上為人所告上召建成責之流可達志 鳳舉亦指官言状上怒託他事手記召建成令指

率可達志從燕王李藝發幽州突騎三百置官東諸坊

兵反上遣左武衛将軍錢九龍與靈州都督楊師道擊 成乃請仁智官未至六十里悉留官属於毛鴻廣堡以 詹事主簿趙宏智勸之貶損車服屏從者詣上謝罪建 之夏六月甲子上召秦王世民謀之世民日文幹豎子 解是夜置之幕下飼以麥飯使殿中監陳福防守遣司 定匹庫全書. 在建成懼不敢赴太子舎人徐師藝勘之據城舉兵 仰字文類馳召文幹類至慶州以情告之文幹遂舉 往見上叩頭謝罪奮身自 擲 幾至於絕上怒不

蜀王蜀兵脆弱它日的能事汝汝宜全之不能事汝 人為隊分兵圍守之明日復還仁智宫世民既行元吉 之易耳上以仁智官在山中恐盗兵猝發夜即宿衛 汝為太子吾不能效隋文帝自誅其子當封建成為 出山外行數十里東官官属将平繼至者皆令三十 上曰不然文幹事連建成恐應之者東汝宜自行

妃嬪更迭為建成請封德桑復為之管解於外上意

直監紀事本末

為在逆計府僚已應擒戮若不爾正應遣一籽討

太子中允王珪左衛率章挺天策兵曹参軍杜淹並流 誅之 上欲徒都以避突厥秦王世民諫止之建成與 黨皆潰癸酉文幹為其麾下所殺傳首京師獲宇文類 陷寧州驅掠吏民出據百家堡秦王世民軍至寧州其 事建成房玄龄以淹多狡数恐其教導建成益為世民 於舊州挺沖之子也初洛陽既平杜淹久不得調欲求 遂變復遣建成還京師居守惟責以兄弟不睦歸罪於 不利乃言於世民引入天意府 秋七月楊文幹襲

一 鱼 定 匹 库 全 書

善騎試乘之世民乘以逐鹿馬蹶世民雖立於數步之 見 上日秦王自言我有天命方為天下主豈有浪死上大 定四軍全書 殺死生有命庸何傷乎建成聞之因令妃嬪替之 馬起復乘之如是者三顧謂字文士及曰彼欲 南太子秦齊王皆從上命三子馳射角勝建成有胡 「頓因共替世民口突厥雖屬為邊患得胳則退秦王 肥壮而喜蹶以授世民日此馬甚敗能超數文潤弟 託禦寇之名內欲終兵權成其篡奪之謀耳上校 通點紀事本表

世民命之冠帶與謀突殿閏月已未詔世民元吉将兵 司案驗上怒不解會有司奏突厥入寇上乃改容勞勉 出 然先召建成元吉然後召世民入青之日天子自有天 九年夏六月丁已太白經天秦王世民既與太子建成 民討之事平之後猜嫌益甚 幽州以禦突厥上錢之於蘭池上每有寇盗輛命世 非智力可求汝求之何急那世民免冠頃首請下法

齊王元吉有隙以洛陽形勝之地恐一朝有變欲出係

自 吏考驗亮終無言乃釋之使還洛陽建成夜召世民 豪傑 今無得復夜飲因謂世民曰首建大謀 之功吾欲立汝為嗣汝固辭 **滎陽張亮将左右王保等千餘人之洛陽陰結** 西宫上幸西宫問世民疾動建成日秦王素不能 配之世民暴心痛吐血數升准安王神通扶 以俟變多出金帛資其所 且建成年長為 用元吉告亮謀 削 海内貨 嗣 不軌 納 飲

通鑑紀事本表

之乃以行臺工部尚書温大雅鎮洛陽遣秦府車騎

矣乃密令數人上封事言秦王左右聞往洛陽無不喜 地甲兵不可復制 煩悲也将行建成元吉相與謀日秦王岩至洛 吾不忍奪也觀汝兄弟似不相容同處京邑必有 旌旗如漢梁孝王故事世民涕泣解以不欲遠 造汝還行臺居洛陽自陝以東皆主之仍命汝建天 **庁匹庫全き** → 上日天下一家東西雨 觀其志趣恐不復來又遣近幸之臣以利害說上上 不如留之長安則一匹 養二十八上 都道路甚通吾思汝即 夫耳取之易 陽 有土 離

不可點也且性剛烈若加挫抑恐不勝憂憤或有不測 之疾陛下悔之何及上乃止元吉家請殺秦王上曰彼 但應速殺何患無辭上不應秦府僚属皆憂懼不知 有定天下之功罪狀未著何以為解元吉日秦王初平 行臺考功郎中房玄齡謂比部郎中長孫無忌日今 都顧望不還散錢帛以樹私恩又違動命非反而 連盟紀事本末

上上信之将罪世民陳叔達諫曰秦王有大功於天下

意遂移事復中止建成元吉與後宫日夜潜訴世民於

嫌 言正合吾心謹當白之乃入言世民世民召玄齡謀 髮正在今日無忌日吾懷此久矣不敢發口令吾子所 建成元吉以秦府多驍将欲誘之使為已用家以金銀 定四庫全書 | 際已成一旦禍機竊發豈惟府朝途地乃實社稷之 其若勘王行周公之事以安家國存亡之機間不容 大王勿疑乃與府属杜如梅共勸世民誅建成元吉 齡日大王功益天下當承大業今日憂危乃天贊也 車贈左二副設軍尉遲敬德并以書招之日願污

恩今又策名藩邸唯當殺身以為報於殿下無功不敢 謬當重賜若私交殿下乃是貳心徇利忘忠殿下亦何 用建成怒遂與之絕敬德以告世民世民曰公心 夜刺敬德敬德知之洞開重門安卧不動刺客屬至 其陰計豈非良策不然禍将及公既而元吉使壮 雖積金至斗知公不移相遺但受何所嫌也且得

الملك الم المد حد (١٠٠

通過犯事本末

長者之眷以敦布衣之交敬德辭日敬德遂户甕牖

人遭隋末亂離久淪逆地罪不容誅秦王賜以更生之

知節 其庭終不敢入元吉乃讃敬德於上下詔獻訊治将殺 玄志玄不從建成謂元吉曰秦府智界之士可憚者 将軍三水侯君集及尉遲敬德等日夜勤世民誅建成 房玄齡杜 世民固請得免又踏左一馬軍總管程知節出為康 发 E 12 2 17 1 無忌尚在府中與其舅雍州治中高士廉左 以死 知節謂世民日大王股胚羽翼盡矣身何能久 不去願早決計又以金帛誘右二護軍段志 如梅耳皆踏之於上而逐之世民腹心唯長 一候車騎

太子語齊王今汝得秦王驍将精兵雄數萬之衆吾與 志玄及秦府右三統軍秦叔寶等與之偕行簡閱秦王 射 元吉世民植豫未決問於靈州大都督李靖清解問 下精銳之士以益元古軍率更丞王旺家告世民日 督諸軍北征上從之命元吉督右武衛大将軍李統 紀将軍張瑾等救烏城元吉請尉遲敬德程 設将數萬騎屯河南入塞圍烏城建成為元吉代世 軍總管李世勣世勣解世民由是重二人會突厥 知節段 郁

通鑑紀事本末

汝手宜悉坑之孰敢不服世民以胜言告長孫無忌 乎敬德日人情 惡吾誠知禍 上宜無不信吾當使人進說令授吾國事敬德等既 芀 無忌等勸世民先事圖之世民歎日骨內相殘古 王錢汝於昆明池使壯士拉殺之於幕下奏云暴卒 四月十二 宗廟何大王不用 垂發 在 而 朝 I 誰不愛其死令衆人以死奉王乃 楢 夕欲俟其發然後以義討之不亦 敬德之言敬德将魔身草澤不 晏然不以為憂大王 縱 自

凶戾終不肯事其兄比聞護軍薛實當謂齊王曰大 兵事勢已成大王安得已乎世民訪之府係皆曰齊王 能復事大王矣世民日吾所言亦未可全棄公更圖 能留居大王左右交手受戮也無忌曰不從敬德之言 王素所高養勇士八百餘人在外者今已入宫樣甲執 事今敗矣敬德等必不為王有無忌亦當相隨而去不 德曰王今處事有疑非智也臨 難不決非勇也且

名合之成唐字大王終主唐祀齊王喜曰但除秦王

有 取東宫如反掌耳彼與太子謀亂未成已有取太子 張公謹自外來見之取龜投地曰卜以決疑令事在 日聖人也東日使舜沒井不出則為井中之泥塗廪 則受大杖則走益所存者大故也世民命卜之緣 則為廪上之灰安能澤 社稷之計乎世民猶未决衆曰大王以舜為何 以大王之賢取二人如拾地芥耳奈何狗匹夫之節 心無厭何所不為若使二人得志恐天下非復唐 被天下法施後世乎是以

定四庫全書 |

敬德往與無忌共諭之日王已决計公宜速入共謀 尼家召房玄齡等日勅旨不聽復事王今若私謁必坐 吾属四人不可奉行道中乃令玄齡如晦著道士服與 尚何上乎上而不吉庸得已乎於是定計世民令無 佩刀授敬德曰公往觀之若無來心可斷其首以來 太白見秦分秦王當有天下上以其狀授世民於是 思俱入敬德自他道亦至已未太白復經天傅弈 不敢奉教世民怒謂敬德日玄齡如晦豈叛我耶取 通鑑紀事本末

宜早参庚申世民即長孫無忌等入伏兵於玄武門張 當與弟人参自問消息乃俱入超玄武門上時已名裝 世民塞奏建成元吉淫亂後宫且日臣於兄弟無絲毫 曰宜勒官府兵託疾不朝以觀形勢建成曰兵備已嚴 員今欲殺臣似為世充建德報讎臣今枉死永建君親 好竊知世民表意馳語建成建成召元吉謀之元吉 歸地下實恥見諸賊上省之愕然報日明當鞫問 瑪陳叔達等欲按其事建成元吉至臨湖殿覺鄉

页四周 4 元

卷二十八上

薛萬徹屈咥直府左車騎萬年謝权方即東宫齊府精 右射元吉墜馬世民馬逸入林下為木枝所經墜不能 三不設世民射建成殺之尉運敬德将七十騎繼至左 死較日豈有生受其恩而死逃其難乎乃與副護軍 德殿敬德追射殺之翊衛車騎将軍馮翊馮立間建 元吉處至奪弓将扼之敬德躍馬叱之元吉步欲趨 **跋馬東歸宫府世民從而呼之元吉張弓射世民再**

二千馳超玄武門張公謹多力獨

開闢以拒

dula |

通鑑記事本末

入雲麾将軍敬君弘掌宿衛兵屯玄武門徒身出戰所 止之日事未可知且徐觀變俟兵集成列而戰未脫 偽之曾孫也守門兵與萬徹等力戰良久萬徹鼓 君弘不從與中郎将吕世衡大呼而進皆死之君弘 兵遂潰萬微與數十騎亡入終南山馬立既殺敬君 攻秦府府士大懼尉運敬德持建成元吉首示之宫 其徒曰亦足以少報太子矣遂解兵逃於野上方 卷二十八上

泛舟海池世民使尉運敬德入宿衛敬德樣甲持矛直

宇宙率土歸心陛下若處以元良委之國務無復事矣 上曰善此吾之風心也時宿衛及秦府兵與二宫左右 功高望重共為姦謀令秦王巴討而誅之秦王功益 上所上大驚問日今日亂者誰邪鄉來此何為對 权達日建成元吉本不豫義謀又無功於天下疾 王以太子齊王作亂舉兵誅之恐驚動陛下遣臣宿 一調裴寂等曰不圖今日乃見此事當如之何新 未已敬德請降手動令諸軍並受秦王處分上 題鑑紀事本末

武安王承訓 度皆坐誅仍絕属籍初建成許元吉以正位之後立為 太弟故元吉為之盡死諸将欲盡誅建成元吉左右 而吃上乳號働久之建成子安陸王承道 定上又使黃門侍郎裴矩至東宫曉諭 之天策府司馬宇文士及自東上問門出宣勅衆然後 上乃召世民撫之曰近日以來幾有投杼之感世民 埞 漁陽王承鶯普安王承獎江夏王承裕義陽王承 图 图 神 汝南王承明鉅鹿王承義元吉子梁 卷二十八上 諸将卒皆罷 河東王承德 郡

女 臣光日立确以長禮之正也然高祖所以有天下皆太 此 权方皆自出薛萬徹亡匿世民屢使諭之乃出世民曰 之罪止於建成元吉自餘黨與一無所問其僧尼道士 若及支黨非所以求安也乃止是日下詔赦天下凶逆 餘人籍没其家尉運敬德固争曰罪在二凶既代其誅 自今軍國庶事無大小悉委太子處决然後聞 皆忠於所事義士也釋之癸亥立世民為皇太子又 冠並宜依舊國家庶事皆取秦王處分辛西馬立謝 奏

之節 宗之功隱太子以庸为居其右地嫌勢逼心不相容歸 欽 統之君子孫之所)遂至蹀血禁門推刃同氣貽譏干古惜哉夫創業垂 後應之如此則事非獲已猶為愈也既而為羣下所 定四庫全書 | 則亂何自而生矣既不能然太宗始欲俟其先發 祖 太宗易太子 有文王之明隱太子有泰伯之賢太宗有子戚 以為口實乎 儀 刑也彼中明肅代之傳繼 得非 有

太宗真觀之年帝謂左庶子于志寧右庶子在正倫曰朕年 十八猶在民間民之疾苦情為無不知之及居大位區處 癸亥立皇子中山王承乾為太子生八年矣 唇高祖武德九年秋八月太宗即皇帝位 **戶第五百匹** 忘寧與右庶子孔穎達數直諫上聞而嘉之各賜金一 能無驕逸乎鄉等不可不極諫太子好嬉戲頗虧禮法 世務循有差失况太子生長深宫百姓艱難耳目所未涉 AND THE REAL PROPERTY. 遊鑑紀事本末 7

諫太子出其鼓對玄素毀之太子久不出見官屬玄素 光禄大夫行左無子太子當於禁中擊鼓玄素叩問切 十三年太子承乾頗以遊政廢學石庶子張玄素諫不聽 十四年上間右無子張立素在東宫數諫爭權為銀青 十五年太子詹事于志寧遭母丧尋起復就職太子治 日朝廷選俊賢以輔至德今動經時月不見官臣将 以裨益萬一且宫中唯有婦人不知有能如樊姬者

五 至 十八上

十六年春正月乙丑魏王泰上括地志泰好學司馬 之二人入其第見志寧寝處皆塊竟不忍殺而止 志寧上書切諫太子大怒遣刺客張師政統干承基殺 役使司取等半歲不許分番又私引突殿達哥友入宫 說泰以古之賢王皆招士著書故泰奏請修之於是

こ、、 」 通鑑記事本京

常在左右志寧上書以為自易牙以來官官覆亡國家

官室妨農功又好鄭衛之樂志寧諫不聽又寵昵官官

者非一今殿下親寵此屬使陵易衣冠不可長也太子

成者也上從之上又令泰徙居武德殿魏徵上疏以 死宣帝寵准陽憲王亦幾至於敗今魏王新出 定匹庫全書] 嫌疑之漸除禍亂之源也若當親者疎當尊者早則 巧之姦東機而動矣昔漢實太后寵沒孝王卒以憂 用 館舍廣延時俊人物輻湊門庭如市泰月給踰於 議大夫褚遂良上疏以為聖人制禮尊嫡早 物不會與王者共之庶子雖愛不得踰嫡所 訓 以漁儉乃為良器此所 謂聖人之教 問 宜

窗

皇太子出用庫物所司勿為限制於是太子發取無度 左庶子張玄素上書以為周武帝平定山東隋文帝混 上日幾致此誤逐遣泰歸第 不以為可雖時異事異然亦恐魏王之心不敢安息也 之她今移居此殿乃在東宫之西海陵昔當居之時 陛下愛魏王常欲使之安全宜每抑其驕奢不處嫌疑 殿下親則父子事兼家國所應用物不為節限恩旨 南勤儉愛民皆為令主有子不肖卒亡宗祀聖上 夏六月甲辰詔自今

通鑑紀事本末

失居中隱密寧可勝計苦樂利病告言利行伏惟居 正士未當在側摩那淫巧昵近深宫在外瞻仰 瑜六旬用物已過七萬騎奢之極 四月白書 孰云過此况宫臣 L

有

思危日慎一日太子惡其書令户奴何玄素早朝 馬筆擊之幾乾

為急諫議大夫褚遂良日今四方無虞 秋八月丁酉上曰當今國家何

有定分最急上日此言是也時太子承乾

泰有寵羣臣日有疑議上聞

而惡之謂侍臣日方今屋

太子

宏以

失德

惟

之世 有 賴 諭 七年春正月两寅上謂羣臣曰聞外間士民以太子 足疾魏王領悟多從遊幸處生異議徼幸之徒已有 パ周 以魏徵為太子太師徵疾少愈詣朝堂表辭上手記 四皓然後安我今賴公即其義也知公疾病可即遊 會者太子雖病足不廢步履且禮嫡子死立嫡孫太 乃受詔 幽晉獻廢嫡立庶危國亡家漢高祖幾廢太子 通監犯事本末

臣忠直無踰魏徵我遣傅太子用絕天下之疑九月丁

忠孝或至於涕泣退歸宫中則與羣 子承乾喜聲色畋獵所為奢靡畏上知之對宫臣常 男已五歲朕終不以孽代宗啓窺窬之源也 皆稱賢太子作八尺銅 定四庫全書 者太子先揣知其意歡迎拜飯容危坐引各 辯給宮臣拜答不暇宮省秘密外人莫知 飾選左右貌類突殿者五人為一落辮髮羊裘而 臨烹煮與所幸厮役共食之又好效突嚴語 鑪六隔大鼎暴亡奴 相褻神宫臣 盗民 時論 自責 有 間

與左庶子張玄素數上書切諫太子陰使人殺之不果 嘉之賜二人金帛以風勵太子仍遷志寧為詹事志軍 死汝曹效其喪儀因僵卧於地衆悉號哭跨馬環走臨 居人後矣左庶子于志寧右庶子孔類達數諫太子上 而烹之抽佩刀割肉相陷又當謂左右曰我試作可汗 牧羊作五狼頭纛及幡旗設穹廬太子自處其中飲羊 於金城西然後解髮為突厥委身思摩若當一設不 身接面良久太子啟起日一朝有天下當即數萬騎

之親善朝夕同遊戲分左右為二隊太子與元昌各統 漢王元昌所為多不法上數譴責之由是怨望太子與 有足疾潛有奪嫡之志折節下士以求聲譽上命黃 天子明日於記中置萬人管與漢王分将觀其戰關豈 其一被題甲操竹稍布陳大呼交戰擊刺流血以為妈 樂哉又日我為天子極情縱欲有諫者軟殺之不過 數百人衆自定矣魏王泰多藝能有罷於上見太子 有不用命者披樹過之至有死者且曰使我今日作

其逼遣人詐為泰府典籤上封事其中皆言泰罪惡動 聰明宜為上嗣文武之士各有附託潛為朋黨太子畏 英章靈符挾左道得幸太子上聞之大怒悉收稱心等 俱為泰要結朝士楚客或懷金以縣權貴因說以魏王 殺之連坐死者數人消讓太子甚至太子意泰告之怨 之不獲太子私幸太常樂童稱心與同卧起道士秦

郎章提攝泰府事後命工部尚書杜楚客代之二

怒愈甚思念稱心不已於宫中構室立其像朝夕莫祭

DE DE L

子亦知之稱疾不朝謁者動涉數月陰養刺客統干承 **纍圖之因勸之及舉手謂太子曰此好手當為殿下用** 基等及比士百餘人謀殺魏王泰吏部尚書侯君集之 徘 召宜密為之備太子大然之厚路侯君集及左屯衛 之又曰魏王為上所愛恐殿下有庶人勇之禍若有物 賀蘭楚石為東宫千牛太子知君集怨望數令楚石 君集入東宫問以自安之術君集以太子暗为欲乘 流涕又於苑中作冢私贈官樹碑上意浸不懌太

欽

定四庫全書 |

飲之誓同生死潛謀引兵入西宫杜荷謂太子曰天文 E 太子隱太子敗安儼為之力戰上以為忠故親任之 比見上側有美人善彈琵琶事成願以垂賜太子 嫟 宿衛安假深自託於太子漢王元昌亦勸太子及且 預其及謀凡同謀者皆割臂以帛拭血燒灰和 都 刺史開 尉杜荷如晦之子也尚城陽公主皆為太子 化公趙節慈景之子也母曰長廣公主

郎将損丘李安嚴使訶上意動静相語安嚴先事

A.) > 101 /1 d.15

通鑑紀事本夫

形已具上謂侍臣將何以處承乾羣臣真敢對通事舍 基等日我宫西牆去大內正可二十步耳與卿為大事 無忌房玄齡蕭瑀李世勣與大理中書門下參鞠之反 視因兹可以得志太子聞齊王祐反於齊州謂統干承 有變當速發以應之殿下但稱暴疾危寫主上必親臨 人來濟進日陛下不失為慈父太子得盡天年則善至 比齊王乎會治祐反事連承基承基坐繫大理獄當 好臣 唱 了了 夏四月庾辰朔承基上變告太子謀反勅長孫

於家而有其母妻子侯君集李安嚴趙節杜荷等皆伏 上從之濟護兒之子也乙酉詔廢太子承乾為庶人幽 君集謂曰朕不欲令刀筆吏辱公故自鞫公耳君集初 數諫獨蒙勞勉以統干承基為祐川府折衝都尉爵 棘縣公侯君集被收賀蘭楚石復詣闕告其事上 左庶子張玄素右庶子趙宏智令孤德茶等以不能 右領軍府上欲免漢王元昌死羣臣固爭乃賜自盡 爭皆坐免為底人餘當連坐者悉赦之詹事于志寧

百盛地事本大

集蹉跌至此然事陛下於潘邱擊取二國乞全一子以 奉祭祀上乃原其妻及子徙衛南籍沒其家得二美 不承引楚石具陳始末又以所與承乾往來啓示之君 以為不可上乃謂君集曰與公長缺矣因泣下君集 自投於地遂斬之於市君集臨刑謂監刑将軍曰君 辭窮乃服上謂侍臣曰君集有功欲乞其生可乎 定匹庫全書 | 幼飲人乳而不食初上使李靖教君集兵法君集言

於上曰李靖将反矣上問其故對曰靖獨教臣以粗

今諸夏已定臣之所教足以制四夷而君集固求盡臣 父年九十餘上愍之賜奴婢以養之太子承乾既獲罪 |其精以是知之上以問靖靖對日此乃君集欲反 書未滿其志以臣觀之必将為亂上曰君集材器 施不可朕豈惜重位但次第未至耳豈可憶度妄生 貳耶及君集反誅上乃謝道宗曰果如卿言李安 非反而何江夏王道宗當從容言於上日君集志 智小自員微功恥在房玄齡李靖之下雖為吏部 通鑑犯事本末 亦

魏王泰自入侍奉上面許立為太子本文本劉泊亦勸 之長孫無忌固請立晉王治上謂侍臣曰昨青雀投我 見如此甚憐之諫議大夫褚遂良日陛下言大失願審 臣死之日當為陛下殺之傳位晉王人誰不愛其子朕 禮扶過於承乾以成今日之禍前事不遠足以為鑑於 傳位晉王者乎陛下日者既立承乾為太子復寵親王 灾 勿誤也安有陛下萬歲後魏王據天下肯殺其愛子 云臣今日始得為陛下子乃更生之日也臣有一子 四月有量 卷二十八上

臣謀自安之術不逞之人遂教臣為不軌耳今若泰為 獨留長孫無忌房玄齡李世勣褚遂良謂曰我三子 太子所謂落其度內承乾既廢上御兩儀殿羣臣俱出 元昌善元昌今敗得無憂乎治由是憂形於色上怪屢 不能爾因起入宮魏王泰恐上立晉王治謂之日汝與 下令立魏王願先措置晋王始得安全耳上流涕曰我 其故治乃以状告上無然始悔立泰之言矣上面責 乾承乾日臣為太子復何所求但為泰所圖時與

/ וווא יא זמיי כי זיי

通經紀事本本

者臣請斬之上謂治日汝舅許汝矣宜拜謝治因拜之 等請上所欲上日我欲立晉王無忌日謹奉詔有異 | 貢陛下萬死上乃御 抱上又抽佩刀欲自刺遂良奪刀以授晉王治無忌 乾恃逆泰亦凶險皆不可立朕欲選諸子為嗣 謂無忌等曰公等已同我意未 仁孝天下属心久矣之陛下試召問百官有不同者 所為如是我心誠無聊賴因自投於林無忌等争前 老二十八上 大極殿召文武六品以上 九知外議 如何對日晉 調

万四月

位 傳 樓 章門幽於北苑 丙戊詔立晉王治為皇太子御承天門 日泰從百餘騎至永安門勃門司盡辟其騎引泰入肅 光日唐太宗不以天下大器私其所愛以杜禍 承乾與泰皆無恙矣 諸子孫永為後法且泰立則承乾與治皆不全治立 赦天下酺三日上謂侍臣曰我若立泰則是太子之 可經營而得自今太子失道潘王窺伺者兩皆棄之

医日后人

dula |

通鑑把事本京

主

者卿輩明言之衆皆謹呼日晉王仁孝當為嗣上悅是

隋煬帝大業十一年秋八月帝巡北塞初裴矩以突厥 芡 太宗平突厥 EL CALLER THE 能遠謀矣 卷二十へ上

始畢可汗部泉漸盛獻策分其勢欲以宗女嫁其弟 臣史蜀胡悉多謀暴為始畢所寵任 拜為南面可行叱吉不敢受始畢聞 矩 許 而 與為互市 漸怨突

我已相為斬之始畢知其狀由是不朝戊辰始畢帥

詔始畢曰史蜀胡悉叛可汗来

食 騎數十萬謀襲乘與義成公主先遣使者告變壬申車 上下惶 導不下突厥急攻應門 矢及御前上大懼抱趙王杲 泣目盡腫左衛大將軍字文述勸帝簡精銳數千騎 馳入應門齊王東以後軍保導縣癸酉突厥園鴈 僅可支二旬鴈門四十一城突厥克其三十九唯鴈 而出納言熱威日城守則我有餘力輕騎乃彼之 怖 撤民屋以為守禦之具城中兵民十五萬口

定四軍全書

遼厚為煎格心人人自奮何憂不濟內史侍郎蕭瑪 銳坐徵四方兵使入援陛下親撫循士卒諭以不復征 為突厥之俗可賀敦預知軍謀且義成公主以帝女嫁 下乘危徼幸一朝狼狽悔之何及不若據堅城以挫其 夷必恃大國之接若使一介告之借使無益庸有何 皇后之弟也虞世基亦勘帝重為賞格下詔停遼 又将士之意恐陛下既免突厥之患還事高麗若發 以赦高麗專討突厥則衆心皆安人自為戰矣

之役帝從之帝親巡将士謂之曰努力擊賊尚能保 凡在行陳勿憂富貴必不使有司弄刀筆破汝敷勞乃 下令守城有功者無官直除六品賜物百段有司以次 民年十六應募隸屯衛将軍雲定興說定興多齎旗鼓 甚眾甲申詔天下暴兵守令競來赴難李淵之子 益使者慰勞相望於道於是衆皆踊躍畫夜拒戰死 疑兵日始畢敢舉兵園天子心謂我倉猝不能赴 也宜畫則引旌旗令數十里不絕夜則鉦鼓相應虜

欴

定日草公香

通鑑紀事本衣

必不能支定與從之帝遣間使求救於義成公主公主 必謂救兵大至望風道去不然彼衆我寡若悉軍來戰 一千仁恭患之淵選善騎射者二千人使之飲食舍止一 與馬邑太守王仁恭擊之時突厥方殭兩軍泉不滿 乃遣二十騎追躡至馬邑得突厥老弱二千餘人而還 九月甲辰始畢解圍去帝使人出偵山谷皆空無胡馬 遣使告始畢云北邊有急東都及諸郡接兵亦至忻口 二年突厥數寇北邊詔晉陽留守李淵即太原道兵

唐祖 兵秋八月劉文静以突厥兵五百馬二千匹來至事並 舉兵劉文静說淵結突厥為援告突厥以尊立代王之 恭帝義寧元年夏五月突厥數萬衆寇晉陽唐公李淵 意突厥使康鞘利送馬千匹為互市劉文静使突殿請 如突厥或與突厥遇則伺便擊之前後屢捷突厥煩慢 初五原通守機陽張長遊以中原

欽定四事全書

通鑑紀事本末

高祖武德元年

莫賀咄設且為陳利害止其出兵又說莫賀咄設遣張 大亂舉郡附突厥突厥以為割利特勒部暖說薛舉與 為五原太守長遜又詐為詔書與莫賀咄設示知其謀 **咄於號莫賀咄設建牙直五原之北舉遣使與莫賀** 夏四月已郊武都宕渠五原等郡皆降王即以長孫 遜入朝以五原之地歸之中國莫賀咄設並從之 設謀入寇莫賀咄設許之唐王使都水監宇文歌縣 都及突厥連兵以取長安舉從之時啓民可汗之 卷二十八上

成始果復遣骨出禄特勒來 使者至長安多暴横帝優容之 襄武公琛太常鄉鄭元毒以女枝遺突厥始畢可汗 樂時中國人避亂者多入突厥突厥强盛東自契丹室 起資其兵馬前後的遺不可勝紀突殿恃功驕侶每遭 嚴始畢可汗遣骨咄禄特勒來宴之於太極殿奏九部 西盡吐谷渾高昌諸國皆臣之控弦百餘萬帝以 通點紀事本本 冬十月戊寅宴突厥 九月上遣從子

莫賀咄設乃拒舉師都等不納其使

五月辛未突

骨咄禄引骨咄禄升御坐以罷之 71 17

グロ

都發兵會之以五百騎授劉武周欲自句注入寇太原 會始異卒子什鈴花幼未可立立其弟俟利弗設為處 一年閏二月突厥始畢可汗将其泉渡河至夏州深

北先是上遣右武候 羅可汗處羅以什鉢必為尼步設使居東偏直幽州之 将軍高静奉幣使於始畢至豐州

始畢卒勃納于所 在之庫突厥聞之怒欲入寇豐

總管張長遜遣高静以幣出塞為朝廷致轉突厥乃還

少不敢閉壁不戰何師都稍怠九月丙寅遣副總管梁 梁 哀於長樂門廢朝三日詔百官就館吊其使者又遣內 二十餘口德操孝先之子也 掩擊其後師都軍清逐北二百餘里破其魏州屬男女 禮將兵擊之師都與禮戰方酣德操以輕騎多張旗幟 N A. I P 12 舍人鄭德姓吊處羅可汗轉帛三萬段 師都與突厥合數千騎寇延州行軍總管段德操兵 夏六月已酉突厥遣使來告始畢可汗之丧上 P. d. in 1887 通鑑紀事本末

Jt 凉 三年秋七月梁師都引突厥稽胡兵入寇行軍總管段 十一月梁師都遣其尚書陸季覽說突殿處羅可汗曰 畲 者中原丧亂分為數國勢均力弱故皆 州總管楊恭仁擊之為所敗掠男女數千人而去冬 恐次及可汗不若及其未定南取中原 操擊破之斬首千餘 克匹庫全書 | **今定楊可汗既亡天下将悉為唐有師** 墨二十八上 级 九月突厥英賀吐設 北面歸 都 女口 認道武 不辭灰減 附

都請為鄉導處羅從之謀使莫賀咄設入自原

|畢之子什鉢花也處羅又欲取并州以居楊政道其產 師 臣多諫處羅曰我父失國賴隋得立此恩不可忘将出 入會于晉絳莫賀咄者處羅之弟咄吃也突厥利者始 始畢之丧 設號頡利可汗乙酉頡利遣使告處羅之丧上禮 而卒義成公主以其子臭射設雕弱廢之更立英質 十二月之殿倫特勒在并州大為民

Not the state of t

通鑑北事本衣

與奚雪契丹靺鞨入自幽州會實建德之師自滏口西

泥步設與師都入自延州處羅入自并州突厥利可汗

患并州總管劉世讓設策如之上聞之甚喜 をニエハム

四年春三月庚申以靺鞨派即突地稽為燕州總管

志妻隋義成公主公主從弟善經避亂在突厥與王世 突厥頡利可汗承父兄之資士馬雄盛有憑陵中國之 充使者王文素共說頡利日昔於民為兄弟所逼脫身

森隋賴文皇帝之力有此土字子孫享之今唐天子非

文皇帝子孫可汗宜奉楊政道以代之以報文皇帝之

頡利然之上以中國未寧待突厥甚厚而頡利求請

遣上又遣漢陽公壞賂頡利可汗以金帛頡利欲令壞 劉武周相表裏寇并州上遣太常御鄭元毒往諭以 鴈門李大恩擊走之 戊申突厥寇并州初處罪汗與 福處羅不從未幾處羅遇疾卒國人疑元璹毒之留不 拜壞不從亦留之又留左驍衛大将軍長孫順德上怒 無厭言辭騷慢甲戊突厥寇汾陰 史王集擊却之 夏四月已亥突厥頡利可汗寇 壬午突厥冠石州

亦留其使者環孝恭之弟也

通鑑紀事本表

五月突厥寇邊長平

孝基自突厥逃歸李大思衆火據城自守突厥不敢逼 靖王叔良督五将擊之叔良中流天師旋六月戊子卒 球等擊之戊午突厥寇原州追行軍總管尉運敬德等 軍總管王孝基拒之舉軍皆没甲辰進圍崞縣乙巳王 甲申聖州總管楊師道擊突殿破之師道恭仁 高開道與突厥連兵數入為寇恒定幽易成 秋八月癸卯突厥寇代州總管李大恩遣行 九月突厥寇并州遣左屯衛大将軍審

被其患 五年春二月上遣使賂突殿頡利可汗且許結昏頡

管劉世讓屯馬門頡利與高開道苑君璋合衆攻之不 修好上亦遣其使者特勒熱寒何史那德等還并州總 乃遣漢陽公瓌鄭元璹長孫順德等還與子復遣使來 夏四月壬申代州總管定襄王李上

克月餘乃還

內少監獨孤晟將兵與大思共擊苑君璋期以二月 A.) - Leel 1, date 1 題鑑記事本末

為突厥所殺先是大恩奏稱突厥饑饉馬邑可取詔

孟

利十五萬騎入應門已未寇并州别遣兵寇原州庚申 高遷救之未至大思糧盡夜追突殿邀之衆潰而死上 遷擊破之 惜之獨孤晟坐減死徙邊 遣數萬騎與劉黑閱共園大恩上遣右縣衛大将軍李 會馬邑失期不至大思不能獨進損兵新城頡利可汗 命太子出幽州道秦王世民出秦州道以禦之李子和 衛將軍段德操雲州總管李子和将兵拒之丙辰頡 秋八月乙卯突厥頡利可汗寇邊遣左 五月突厥寇竹州李高

毒曰戰則怨深不如和利中書令封德舜曰突厥恃犬 羊之泉有輕中國之意若不戰而和示之以弱明年將 羣臣曰突厥入寇而復求和和與戰孰利太常卿鄭元 趙雲中掩擊可汗段德操超夏州邀其歸路辛酉上 寇廉州戊寅陷大震關上遣鄭元毒詣頡利是時突 復來臣愚以為不如擊之既勝而後與和則恩威兼者 汾州刺史蕭題破突殿斬首五千餘級 上從之巴巴并州大總管襄邑王神行破突厥於汾 丙子突

الما مله با الما و ١٠٠١

通鑑犯事本末

Ī

見頡利責以員約與相辯詰頡利頗慙元轉因說頡利 積年之散而結子孫無窮之怨乎頡利悅引兵還元 掠所得皆入國人於可汗何有不如旋師復修和親可 日唐與突厥風俗不同突厥雖得唐也不能居也今屬 自義寧以来五使突厥幾死者數馬 無政涉之勞坐受金幣又皆入可汗府庫孰與棄昆弟 騎數十萬自介休至晉州數百里間填溢山谷元喜 刺史權士通弘州總管宇文歌靈州總管楊師 巻二十八上 九月癸已交

結遣其郁射設入居故五原道宗逐出之斥地千餘里 六年夏五月丙申梁師都将卒獠兒引突厥寇林川 貴擊突厥於甘州皆破之 道擊突厥於三觀山破之乙未太子班師两申宇文於 突厥數萬圍之道宗乘間出擊大破之突厥與師都連 雙士洛等擊突厥於恒山之南丙午領軍將軍安與 邀安厥於崇岡鎮大破之斬首千餘級壬寅定州總管 文配の 単心 45 公道宗為郡王道宗為靈州總管梁師都遣弟洛兒引 冬十一月乙酉封略陽

通鑑犯事在衣

戊戌苑君璋将高滿政寇代州驃騎将軍李寶言擊走 癸卯高開道引突厥寇幽州突地稽将兵邀擊破 患ニナハ上

管川世讓除廣州總管将之官上問以備邊之策世讓 對日突殿比數為完良以馬邑為之中頓故也請以勇 六月戊午高滿政以馬邑來降先是前并州總

将戍埠城乡貯金沿募有降者厚賞之數出騎兵掠其

城下踩其未核敗其生業不出歲餘彼無所食必降矣

上然其計曰非公誰為勇將即命世讓戊埠城馬邑病

高滿政禦之戰於臘河谷破之 癸未突厥寇原州乙 衆心所欲夜襲君璋君璋覺之亡犇突厥滿政殺君璋 與戰破之以滿政為朔州總管封柴國公 之子及突厥戍兵二百人而降 壬戌梁師都以突厥 **丙子苑君璋以突厥寇馬邑右武候大将軍李高速及** 寇匡州 丁尔范君璋與突厥吐屯設寇馬邑高滿政 高滿政說君璋盡殺突厥戌兵降唐君璋不從滿政因)是時馬邑人多不願属突厥上復遣人招諭苑君

חול מו למו למו מו מו מו

通監把事本本

原州 救之已亥遣太子将兵屯北邊秦王世民屯并州以備 午殺世讓籍沒其家 秦王世民猶在并州已未記 般拖來言世讓與可汗通謀欲為亂上信之冬十月 突厥八月甲辰突厥寇真州又寇馬邑 九月萬寅突厥寇幽州 寇幽州 辛未突厥陷原州之善和鎮癸酉又寇渭 突厥惡弘農公劉世讓為已患遣其臣曹 壬寅高開道引突厥二萬 已未突厥寇

西寇朔州李高遷為虜所敗行軍總管尉遲敬德將兵

卷二十八上

擊破之頡利可汗怒大發兵攻馬邑高遷懼帥所部 管高滿政守馬色苑君璋引突殿萬餘騎至城下滿政 日釋馬邑 之圍乃可議婚頡利欲解兵義成公主固請 民引軍還 出兵禦之或一日戰十餘合上命行軍總管劉世讓 之至松丁嶺不敢進還保崞城會頡利遣使求婚 一頡利以高開道善為攻具召開道與之攻馬邑甚 關宵道屬邀之失亡者半頡 初上遣右武候大将軍李高遷助朔州 利自帥泉攻城滿

定日華全書 一

通鑑犯事本来

太原置电田以省館運議者以為煩擾不許 者 政 突厥數為邊患并州大總管府長史實静表請 圍走朔 降於突厥苑君璋復殺城中豪傑與滿 人上以滿 親以馬邑歸唐上以将軍秦武通為朔州總 滿政使降滿政馬之糧且盡救兵未至滿 入朝使與裴寂蕭瑪封德桑相論難於上 州右虞候杜士遠以虜兵盛恐不免壬戌 政子玄積為上柱國襲爵丁卯 政同, 論

總管秦武通擊却之 戊寅突厥寇原州遣寧州刺史 原州 并州大總管静抗之子也十一月辛已秦王世民復請 寂等不能屈乃從静議歲收穀數千斛上善之命檢於 鹿大師救之又遣楊 州兵擊破之 七年春二月改大總管府為大都皆府 増置屯田於 并州之境從之 夏五月寇朔州 秋七月已己范君璋以突厥寇朔州 師道超大木根山邀其歸路庚辰 六月寇代州之武周城 十二月突厥冠定州 三月突聚

通鑑紀事本衣

|枝長安而不都則胡寇自息矣上以為然遣中書侍 突厥寇龍州遣護軍尉遲敬德擊之 癸未突厥寇陰 宇文士及踰南山至樊鄧行可居之地将徙都之太子 突厥所以屬寇關中者以子女玉帛皆在長安故也若 聖武龍興光宅中夏精兵百萬所征無敵奈何以胡寇 建成齊王元吉裴寂皆贊成其策蕭瑀等雖知其不可 不敢諫秦王世民諫曰戎狄為患自古有之陛下以 **灾匹厚全世** 巴丑突厥吐利設與范君璋冠并州 或說上日

去病漢廷一 言得無似之世民日形勢各異用兵不同樊會小豎何 足道乎不出十年必定漠北非敢虚言也閏月已未記 日善建成日昔樊噲欲以十萬泉横行匈奴中泰王 期請 璋引突厥冠朔州 民元吉将兵出幽州以禦突殿上餞之於蘭池)處遷都以避之胎四海之羞為百世之笑乎彼如 係領利之頸致之關下若其不效遷都未晚 一將猶志滅匈奴況臣忝備藩維願假 八月戊辰突厥冠原州 数

通鑑紀事本本

申突厥冠忻州丙子寇并州京師戒嚴戊寅寇終州剌 管南上秦王世民引兵拒之會關中久雨糧運阻絕士 史劉大俱擊却之是時頡利突利二可汗舉國入寇連 陳於五龍阪将士震恐世民謂元吉曰今虜騎憑陵 虜遇於 過州勒兵将戰已 即一汗即萬餘騎奄至城西 卒 疲於征役器械損 與朝廷及軍中成以為憂世民與 形勢如此奈何輕出萬一失利悔可及乎世民日汝不 可示之以怯當與之一戰汝能與我俱乎元吉懼日虜

金灰正眉白雪

参二れ八よ

之日國家與可汗和親何為員約深入我地我秦王 須渡我無它意更欲與王申固盟約耳乃引兵稍 與我盟有急相救今乃引兵相政何無香火之情也 香火之言疑突利與世民有謀乃遣止世民曰王不 頡利不之測笑而不應世民又前遣騎告突利曰爾 利亦不應世民又前將渡溝水頡利見世民輕出又 能鬪獨出與我闘若以衆來我直以此百騎相 通鑑紀事本末

出吾當獨往汝留此觀之世民乃即騎歌請虜陳

出昌雨而進突厥大驚世民又遣說突利以利害突利 後霖雨益甚世民謂諸将日屬所恃者弓矢耳今積雨 食刀製犀利以逸制勞此而不乘将何復待乃潛師夜 從叔也突利因自託於世民請結為兄弟世民亦以恩 意撫之與盟而去 阿史那思摩來見世民請和親世民許之思摩頡利 時節膠俱解弓不可用彼如飛鳥之折異吾屋居火 茨匹厚 刍 · □ 聽命頡利欲戰突利不可乃遣突利與其夾畢特勒 庚寅岐州刺史紫紹破突厥於杜 卷二十八上

巴辛亥復置十二軍以太常鄉實誕等為将軍簡練 冬十月己己突厥寇甘州 思摩貌類胡不類突厥故處羅疑其非阿史那種 那突殿寇緩州都督劉大俱擊破之獲特勒三人 和順王 頡利世常為夾畢特勒然不得典兵為設既入朝 壬申突厥阿史那思摩入見上引升御楊慰勞? 初上以天下大定罷十二軍既而突厥為惡不 丁酉遣左僕射裴寂使於突厥 通鑑紀事本末

将軍張瑾為行軍總管以禦之以中書侍郎温彦博為 領道以備突厥丙戌頡利可汗冠霊州丁亥以右衛大 臣曰突厥貪婪無厭朕將征之自今勿復為書皆用 金页四月全書 | 長史先是上與突厥書用敵國禮秋七月甲辰上謂侍 郡王李藝屯華亭縣及彈筝破水部郎中姜行本斷 府入子城長史劉君傑擊破之 馬議大舉擊突厥甲寅涼州胡睦伽陀引突厥襲都督 巳酉突厥頡利可汗冠相州 夏六月丙子遣燕 丙辰代州都督

屬以彦博職在機近問以國家兵糧虚實彦博不對 全軍皆沒瑾脫身幹李請行軍長史温彦博為屬所 掠 |總管任環屯太行以禦突厥頡利可汗将兵十餘萬 養與突厥戰於新城不利復命行軍總管張瑾屯石益 寇路沁韓三州 李高遷超太谷以禦之丁已命秦王屯浦州以備突 朔州壬申并州道行軍總管張瑾與突厥戰於大谷 八月壬戌突厥踰石嶺冠并州癸亥冠靈州丁卯 詔安州大都督李靖出路州道行

五百百百二

通經犯事本末

一寇彭州 突厥冠都州遣霍公柴紹救之 宗擊破之丙戊突厥寇級州丁亥頡利可汗遣使請和 九年春二月丁亥突厥寇原州遣折威将軍楊毛擊 突厥於幽州俘斬二千餘人 遷之陰山東辰突厥窓靈州甲申靈州都督任城王道 州都督關墓擊破之 丙午右領軍将軍王君廓 九月癸已突厥設賀、出設陷并州一縣丙申 卷二十八小 突厥冠蘭州 十一月戊戌突聚

囚之 丁已突厥寇凉州都督長樂王幼良擊走之 之硖石自旦至中突厥乃退 癸未突厥寇西會州 寇龍州辛未冠渭州遣右衛大将軍柴紹擊之 使在突厥帥其徒五十人謀掩襲可汗牙帳事泄突厥 戊寅安州大都督李靖與突厥頡利可汗戰於靈州 夏四月丁外突厥寇朔州與千寇原州癸酉寇涇州 五月戊戌突厥寇秦州 通鑑紀事本末 突厥寇蘭州 六月突厥

二月辛亥突厥寇靈州

癸丑南海公歐陽僧

至武功京師戒嚴 長劉公成帥衆降梁師 太子甲子太宗即皇帝位於東宫顯德殿 餘 七月已丑柴紹破突厥於秦州斬特勒一人士卒首千 入寇於是頡利突利二可汗合兵十餘萬騎寇涇州進 **克匹月全意** 多來降者師都浸衰弱乃朝於突厥為之畫策勘令 月丙辰突厥遣使請 已郊突厥進寇高陵辛已涇州道 卷二十八上 都師都信讒殺之由是所部 和 癸亥詔傳位 稽

行軍總管尉運敬德與突厥戰於涇陽大破之獲其

陵乃囚思力於門下省上自出玄武門與高士亷房玄 忘大恩自誇疆盛我今先斬汝矣思力懼而請命蕭瑀 水便橋之北遣其腹心執失思力入見以觀虚實思力 德弊請禮遣之上日找今遣還屬謂我畏之愈肆悉 約引兵深入於我無愧汝雖戎状亦有人心何得全 汝可汗面結和親贈遺金帛前後無第汝可汗自員 阿史德烏沒吸斬首千餘級癸未頡利可汗進至渭 頡利突利二可汗将兵百萬今至矣上讓之日吾 創監 ピレン

齡等六騎徑詣渭水上與頡利隔水而語責以員約突 欽 禦故也我若示之以弱閉門拒守屬必放兵大掠不 固 執失思力不返而上挺身輕出軍容甚或有懼色上摩 諫上日吾審之已熟非鄉所 大驚皆下馬羅拜俄而諸軍繼至在甲蔽野頡利見 軍使却而布陳獨留與頡利語蕭瑀以上輕 定四庫全書 制故朕輕騎獨出示若輕之又震曜軍容使知必戰 郊甸者以我國內有難朕新即位謂我不能抗 知突厥所以敢傾國而

官皆來謁我我若醉而縛之因襲擊其衆勢如拉朽又 君臣之志唯賄是求當其請和之時可汗獨在水西達 而虜自退其策安在上日吾觀突厥之衆雖多而不整 則克與和則固矣制服突厥在此一舉御第觀之是日 出屬不意使之失圖屬入我地既深必有懼心故與 一 既未和之時諸軍爭戰陛下不許臣等亦以為疑既 與頡利盟于便橋之上突厥引兵退蕭瑪請於上 利來請和記許之上即日還宮乙酉又幸城西斬白), 1 to 1 1 1 1 通鑑紀事本末

固與之此之謂矣鄉知之乎瑪再拜曰非所及也 置不復設備然後養威俟豐一舉可減也将欲取之必 所損甚多屬結怨既深懼而修備則吾未可以得忘矣 位日淺國家未安百姓未富且當静以撫之一與虜戰 命長孫無忌李靖伏兵於幽州以待之屬若奔歸伏兵 故卷甲韜戈啗以金帛彼既得所欲固當自退志意騷 九月突厥頡利獻馬三千匹羊萬口上不受但諂歸所 其前大軍竊其後覆之如及掌耳所以不戰者吾即

太宗貞觀元年夏五月苑君璋即東來降初君璋引突 殿庭上親臨武中多者賞以弓刀帛其将師亦加上考 掠中國户口徵温彦博還朝丁未上引諸衛将卒習射 將庶幾中國之民可以少安乎於是日引數百人教射於 池築苑專習弓矢居閒無事則為汝師突厥入冠則為汝 則人主逸遊忘戰是以冠來其之能禦今朕不使汝曹穿 於顯德殿庭諭之曰戎狄侵盗自古有之患在邊境小安

厥陷馬邑殺高滿政退保恒安其衆皆中國人多棄君

請約契上皇遣應門人元普賜之金券頡利可汗復遣 是見詢利政亂知其不足恃遂即衆來降上以君璋 君璋乃執元普送突厥復與之合數與突厥入冠至 璋来降君璋懼亦降請捍北邊以贖罪上皇許之君璋 人招之君璋猶豫未決恒安人郭子威說君璋以恒安 晚城堅突厥方彊且當倚之以觀變未可東手於人 隰州都督的國公 初突厥性淳厚政令質略

利可汗得華人趙德言委用之德言專其威福多變

欽

定四庫全書

基二年八十二

由是內外離怨諸部多叛兵浸弱言事者多請擊之上 陳突厥胡人貪冒多反覆兵革歲動會大雪深數尺雜 更舊俗政令煩苦國人始不悅頡利又好信任諸胡 以門請瑞長孫無忌曰頡利君臣旨虐危亡可心今整 之則新與之盟不擊恐失機會如何而可瑪請擊之無 對日萬不犯塞而棄信勞民非王者之師也上乃止 多死連年饑饉民皆凍飯頡利用度不給重飲諸 西突厥昌薩那可汗方疆勃 通鑑把事本末 勒諸部哈臣之昌薩

衰國人雜散會大雪平地數尺羊馬多死與回允拔野古等叛之頡利不能制事見 恐唐乘其弊引兵入朔州境 臚 之奉臣多勘 定匹庫全書 | 卿 税 無度教 今突厥民飢畜瘦此将亡之兆也不過三 鄭元壽使突厥還言於上曰戎秋與衰專以 人之災不仁乘人之危以取勝不 勒相即叛之附于頡 上乘間擊突厥上日新與人盟而背 F 上楊 言會獲實設 利 頡 利 政 尺大 亂 備

雪等數十部多叛突厥來降頡利可汗以其失衆責之 敗輕騎犇還頡利怒拘之十餘日而雄之突利由是 盡叛六畜無餘朕然不擊必待有罪然後討之 一調 延陀回統等敗欲谷設頡利遣突 叛頡利 侍臣日婦者突厥之疆控弦百萬憑陵中夏 初突厥突利可汗建牙直幽州之北主東偏 該利數徵兵於突利突利不與表請 利討之突利兵

驕恣以失其民今自請入朝非困窮肯如是乎朕

通鑑把事本末

罗

之且喜且惟 朕之不逮也頡 亡古之道也两申契丹酋長即其部落來降 日亦将如突厥能無懼乎卿曹宜不惜苦諫以 終當員約今不因其亂而取之後悔無及夫取 上謀於大臣日朕與突利為兄弟有急不可 亦與之有盟奈何兵部 何則突厥衰則邊境安矣故喜然朕或失 利 發兵攻突利夏四月丁亥突利遣 尚書杜如梅曰戎

請以梁師都易契丹上謂使者曰契丹與突厥显

定匹库全言 |

也先是上知突厥政礼不能庇梁師 數遣輕騎踐其禾稼多縱反間離其君臣其國漸虚降 不從上遣夏州都督長史劉旻司馬劉崩成圖之旻等 突厥受而庇之我與兵致討轉來救之彼如魚遊 相屬其名将李正寳等謀執師都事洩來與由是 何患不為我有借使不得亦終不以降附之民易之 相疑是等知可取上表請兵上遣右衛大将軍柴 都以書諭之師都

通鑑紀事本末

垂

今來歸附何故索之師都中國之人盜我土地暴我

修 以其地為夏州 宵 紹 追蘭成追擊破之突厥大發兵救師都紫紹等未 方數十里與突厥遇奮擊大破之遂圍朔方突厥 古長城發民乘堡郭上日突厥災異相 殿中少監薛萬均擊之又遣是等據朔方東城以逼 城中食盡壬寅師 德暴虐滋甚骨肉相攻亡在朝夕朕方為公掃 都引突厥兵至城下劉蘭成偃旗卧鼓不出師 九月已未突厥寇邊 都從父弟洛仁殺 師 仍 都以城 朝臣皆 頡

芡

田田内門門

卷二十八上

都

状以為頡利縱欲逞暴誅忠良暱姦佞一 沙漠安用勞民遠修彰塞平 者鞭之夷男甚喜突厥頡利可汗大惟始遣使 年秋八月两子薛延陀毗伽可汗遣其弟統特勒入 上賜以寶刀及寶鞭謂日鄉所部有大罪者斬之小 部皆叛二也突利拓設欲谷設皆得罪 尚公主修壻禮代州都督張公謹上言突厥可取 **水無所自容三** 也辞延陀

塞北霜早機糧之絕四也頡利疎其俗類親委諸

通臨紀事本末

書李靖為行軍總管討之以張公謹為副九月丙午突 酋長並即衆來降 多比聞所在嘯聚保據山險大軍出塞自然響應六也 刺史公孫武達甘州刺史成仁重與戰破之捕虜五 俟斤九人帥三千騎來降戊午校野古僕骨同羅奚 以頡利可汗既請和親復接深師都丁亥命兵部尚 人反覆大軍一臨必生內變五也華人入北其衆甚 與申以行并州都督李世動為通漢道行軍總 冬十一月辛丑突厥寇河西肅

定四庫全書 |

卷二十八上

於突厥朕常痛心令單于稽顯庶幾可雪前恥壬千靺 軍總管果合十餘萬皆受李清節度分道出擊突厥己 為金河道行軍總管靈州大都督薛萬徹為暢武道行 管兵部尚書李靖為定襄道行軍總管華州刺史朱約 可汗入朝上謂侍臣曰往者太上皇以百姓之故稱臣 謂禦戎無上策朕今治安中國而四夷自服豈非上策 **羁遣使入貢上日靺鞨遠來益突厥已服之故也昔人** 丑任城王道宗擊突厥於靈州破之十二月戊辰突利

通鑑紀事本末

一勒之上日天下未定突厥方殭愚民無知或有斯事令 襲定襄破之突厥頡利可汗不意靖猝至大驚日唐不 國人或潛通書啓於蕭后者至是中書舎人楊文雅請 磧口清復遣謀離其心腹頡利所親康無家以隋蕭后 四年春正月李清即驍騎三千自馬邑進七惡陽鎮夜 及煬帝之孫政道來降乙亥至京師先是有降胡言中 國而來請何敢孤軍至此其眾一日數驚乃徒牙於 **庚寅突厥郁射設即所部來降**

四月全世

卷二十八人

失思力入見謝罪請舉國內附身自入朝上遣鴻臚 內實猶豫欲俟草青馬肥亡入漠北靖引兵與李世勣 唐 汗於陰山先是頡利既敗竄于鐵山餘泉尚數萬遣執 戰於白道大破之 會白道相與謀曰頡利雖敗其衆猶盛若走度碛北保 儉等慰撫之又詔李靖将兵迎頡利頡利外為早解 九姓道阻且遠追之難及今詔使至彼虜必見電若 二月甲辰李靖破突厥頡利

通鑑犯事本末

圭

天下已安既往之事何須問也李世勣出雲中與空

使者大喜意自安清使武邑蘇定方即二百騎為前餘 清曰此韓信所以破齊也唐儉輩何足惜遂勒兵夜發 告張公謹公謹曰詔書已許其降使者在彼奈何擊之 女十餘萬複雜畜數十萬殺隋義成公主擒其子疊羅 清軍至屬衆遂潰唐儉脫身得歸清斬首萬餘級俘男 乘霧而行去牙帳七里屬乃覺之頡利乘千里馬先走 選精騎一萬齊二十日糧往襲之不戰可擒矣以其謀 動繼之軍至陰山遇突厥十餘帳俘以隨軍頡利見 正月五三 | 巻ニナハト

大將軍與午突厥思結俟斤即東四萬來降內子以突 自陰山北至大漠露布以聞甲寅以克突厥赦天下 母弟蘇尼失為沙鈴羅設督部落五萬家牙直靈州 利 度其大酋長皆即泉降世前屬五萬餘口而還斥地 頡利即萬餘人欲度磧李世勘軍於磧口頡利至不 三月戊辰以突厥夾畢特勒阿史那思摩為右武候 可汗為右衛大将軍北平郡王初始畢可汗以啓民 頡利政亂為尼失所部獨不携貳突利之來犇

巨巨

data |

通鑑起事本末

蓋

庚辰行軍副總管張寶相帥衆奄至沙鈴羅管停 同道行軍總管任城王道宗引兵逼之使為尼失執 利立之為小可汗及頡利敗走往依之将幹吐谷軍 送京師無尼失舉衆來降漢南之地逐空 可汗至長安夏四月戊戌上御 與我盟而背之二也恃疆好戰暴骨如莽三也躁也 :利數之日汝籍父兄之業縱淫虐以取亡罪一 頡利以數騎衣走匿于荒谷蘇尼失懼馳追獲 順天樓盛陳文物

日漢高 城其降唐者尚十萬口詔羣臣議區處之宜朝士多言 五也然自便橋以來不復大入為窓以是得不死耳頡 據牆掠我子女四也我宥汝罪存汝社稷而遷延不來 酒凌煙閣酒酣上皇自彈琵琶上起舞公鄉送起為壽 人復何憂哉上皇召上與貴臣十餘人及諸王妃主置 夜而能突厥既亡其部落或北附薛延随或西犇 入謝而退詔館於大僕厚廩食之上皇聞擒頡利 祖困白登不能報今我子能減突厥吾託付

E

9

華公 45

通鑑紀事本末

酋長領其部落則永永無患矣禮部侍郎李百樂以 間分其種落散居州縣教之耕織可以化胡屬為農 水空塞北之地中書侍即額師古以為突殿鐵 秋自古為中國患今幸而破亡宜悉徙之河南死豫 厥雖云一國然其種類區分各有酋師今宜因其 可使臣其本族而已國分則弱而易制勢敵則難 不能臣陛下既得而臣之請皆真之河北分立 本部署為君長不相臣屬縱欲存立阿史那 勒勒

勢分易為羁制可使常為潘臣永保邊塞温彦博以 徒於究豫之間則乖違物性非所以存養之也請準漢 平台县 1 通鑑起事本来

侯之號妻以宗室之女分其土地析其部落使其權 犯我王晷莫若因其破亡之餘施以望外之思假之王

首丘之情未易忘也置之中國有損無益恐一日學

厥之性有如禽獸不可以刑法威不可以仁義教况彼

吞滅各自保全必不能抗衡中國仍請於定襄置都

為其節度此安邊之長策也夏州都督實靜以為突

虚空之地使為中國扞蔽策之善者也魏徵以為突厥 建武故事置降匈奴於塞下全其部落順其上俗以實 忍盡殺宜縱之使還故上不可留之中國夫突厥人 世為寇盗百姓之離也今幸而破亡陛下以其降附 年之後審息倍多必為腹心之疾不可悔也晉初 與民雜居中國郭欽江統皆勸武帝驅出塞外以 陷武帝不從後二十餘年伊洛之間遂為檀菜之 心弱則請服彊則叛亂固其常性今降者衆近十萬

悉為吾民選其酋長使入宿衛畏威懷德何後患之 上平用彦博策處突厥降泉東自幽州西至靈州分突 有教無類若救其死亡授以生業教之禮義數年之 為六州左置定襄都督府右置雲中都督府以統 THE DESIGNATION AND THE 五月辛未以突利為順州都督使即其部落之官上 所統之地置順祐化長四州都督府又分頡利 通鑑紀事本末

此前事之明鑑也秀博曰王者之於萬物天覆地載

所遺今突厥窮來歸我奈何棄之而不受乎孔子曰

戒之日爾祖啓民徒身奔隋隋立以為大可汗奄有北 此我所以不立爾為可汗者懲陷民前事故也今命爾 右武候大将軍尋以為北開州都督使統頡利舊衆 阿史那思摩為懷化郡王頡利之亡也諸部洛酋長皆 爾宗族水全也去申以阿史那無尼失為懷德郡王 都督爾宜善守國法勿相侵掠非徒欲中國久安亦 爾父始畢及為隋惠天道不容故使爾今日亂亡 頡利來降獨思摩隨之竟與頡利俱擒上嘉其忠

頡利敗欲谷設與高昌聞突利為唐所禮遂來降 撫州都督壬寅以右驍衛将軍康隸為北安州都督 九月戊辰伊吾城主入朝隋末伊吾內屬置伊吾郡隋 阿史那為尼失為北寧州都督以中郎将史善應為北 朝士相半因而入居長安者近萬家 者皆拜將軍中郎將布列朝廷五品已上百餘人殆與 丑以右武衛大將軍史大奈為豐州都督其餘首長至 八月戊午突厥欲谷設來降欲谷設突利之弟也 六月丁酉以

ושו מעל מי שוי ניו

通鑑犯事本表

伊西州 六年突厥頡利可汗鬱鬱不得意數與家人相對悲泣 帛贖之五月乙丑有司奏凡得男女八萬口 亂臣於突厥頡利既減舉其屬七城來降因以其地置 容貌赢億上見而憐之以號州地多麋鹿可以遊獵乃 利為號州刺史頡利辭不願往冬十月癸未復以 隋末中國人多沒於突厥及突厥降上遣使以金

為右 衛大将軍

置酒此宫妄自於大臣所不取也上皇大悅殿上皆呼 臣皆陛下教誨非臣智力所及昔漢高祖亦從太上 笑日胡越一家自古未有也帝奉觴上壽日今四夷 頡利可汗起舞又命南蠻首長馬智戴詠詩既而 一春正月癸未突厥頡利可汗卒命國人從其俗焚

七年冬十二月帝從上皇置酒故漢未央宫上皇命

愈 将軍社爾處羅可汗之子也年十一以智略聞可 洛的豐於我足矣諸設慙服及薛延陀叛攻破欲年未當有所賦斂諸設或鄙其不能為富貴社爾 社爾兵亦敗将其餘衆走保西陸頡利可汗既亡西 定 年春正月辛丑以突厥拓設阿史那 西突厥取其地幾半有衆十餘萬自稱答布可汗 匹庫 拓設建牙於磧比與欲谷設分統動勒諸部 亂出陸可汗兄弟爭國社爾許往降之引 全書 社爾為左驍 爾印 居官

皇妹南陽長公主典屯兵於苑内 走保高昌其舊兵在者總萬餘家又畏西突厥之通落 帥衆來降刺處其部落於靈州之北留社爾於長安尚 E D Jap de Allo 通鑑記事本末 辛

告於久役多棄社爾逃歸薛延陀縱兵擊之社爾大敗

今處拾之遠去西突厥必來取其故地社爾不從擊

可汗報仇擊滅之諸部皆諫日新得西方宜且留鎮撫

爾乃謂諸部曰首為亂破我國者薛延陀也我當為生

延院於磧北連兵百餘日會咥利失可汗立社爾之衆

宫門直指御帳可有大功四月甲申擁突利之子賀選落得四十餘人謀因晉王治四鼓出宫開門辟仗馳入 誣告其謀反上由是薄之久不進扶結社率陰結故部 十三年四月上幸九成官初突厥突利可汗之弟結社 率從突利入朝歷位中郎将居家無賴怨突利斥之乃)瑜四重幕弓矢礼發衛士死者數十人折衝孫武 即衆奮擊久之乃退馳入御底盗馬二十餘匹北走 夜伏於宫外會大風晉王未出結社率恐晓遂犯行

者並令渡河選其舊部俾世作潘屏長保邊塞突殿成 1 orth 7 to 10 (1) 薛延吃不肯出塞上遣司農鄉郭嗣本賜薛延吃重 政殿錢之思摩涕泣奉鵤上壽曰奴等破亡之餘 延拖奉詔於是遣思摩即所部建牙於河北上 迪维把事本末

彌

成詔右武候大将軍化州都督懷化郡王李思摩為己

泥孰俟利必可汗賜之鼓纛突厥及胡在諸州安置

社率之反言事者多云突厥留河南不便秋七月座

渭欲再其部落追獲斬之原賀遇鶻投于領表

狼狽又以左屯衛將軍阿史那忠為左賢王左武衛 割根幹以奉枝葉木安得滋榮朕不用魏徵言幾致於河上而立之上謂侍臣曰中國根幹也四夷枝葉 灰壤陛下存其骸骨復立可汗願萬世子孫恒事陛 又遣禮部尚書趙郡王孝恭等齎册書就其種落築 妻以宗女及出塞懷慕中國見使者心泣涕請入侍 何史那泥熟為右賢王忠無尼失之子也上遇之

守吠北門若薛延吃侵逼請徒家屬入長城詔許之言臣非分蒙思為部落之長願子子孫孫為國家一大 一民夷懷服上曰隋煬帝勞百姓祭長城以備突厥 四年春三月丙辰置寧朔大使以護突厥 牙於故定襄城有户三萬勝兵四萬馬九萬匹仍 益朕唯置李世動於晉陽而邊塵不驚其為長 月升州大都督長史李世動在州十六年令行 春正月乙亥突厥俟利达可汗始即部落

過趣处事本京

兵縱擊降延吃追至漠北事見 合兵二十萬擊突嚴俟利必可汗不能禦帥部落入長 豈不此哉十一月庚申以世動為兵部尚書 四萬人俟利必不能撫御眾不愜服十一月戊午悉 利龙南渡河請處於勝夏之間上許之奉臣皆以為 **克四月全十** 朔州遣使告急上命發兵與李思摩共為特角唐 初上遣突厥俟利处北渡河有東十萬勝

僕

陛下方遠征遠左而置突厥於河南距京師不遠豈得


其感思入於骨髓豈肯為思且彼與薛延吃嗜欲器 敵場帝無道失人已久遼東之役人皆断手足以避征 役玄感以運卒及於黎陽非戎狄為患也朕今征高題 德澤治則四夷可使如一家猜思多則骨肉不免為雖 歎鬱邑豈比隋之行怨民哉突厥貧弱吾收而養之計 不為後處願留鎮洛陽遣諸将東征上曰夷狄亦人耳 取願行者募十得百募百得千其不得從軍者皆情 與中夏不殊人主思德澤不加不必猜尼異類益 通鑑紀事本大

奉以為大可汗時薛延厄方殭車鼻不敢當即其泉歸 龙既失衆輕騎入朝上以為右武衛将軍 不比走薛延吃而南歸我其情可見矣顧謂褚遂良 如殺之車鼻知之逃去薛延吃遣數千騎追之車魚 勃本突厥同族世為小可汗頡利之敗突厥餘衆欲 、說薛延吃車鼻貴種有勇略為泉所附恐為後患 知起居為我志之自今十五年保無突厥之忠矣 年冬十一月突厥車鼻可汗遣使入貢車鼻名

二十三年上以突厥車身可汗不入朝這右聽衛 薛延陀及薛延吃敗車鼻勢益張遣其子沙 降拔悉密吐电肥羅察降以其地置新熱 兵與戰大破之乃建开於金山之北自稱乙 汗突厥餘衆稍稍歸之數年間勝兵三萬人時 侃發回紀僕骨等兵襲擊之兵入其境諸部落相 好言初無來意竟不至 入見又請身自入朝詔遣将軍郭廣敬做之車息 通鑑把事本京 公田

高 等六州禄定襄都督府 十月以突厥諸部置舍利等五州隸雲中都督府為農 山置狼山都督府以統之以高侃為衛将軍於是突厥 盡為封內之臣分置單于瀚海二都護府單于領狼 擒之以歸其泉皆降 宗永徽元年夏六月高侃擊突厥至阿息山車鼻可 汗至京師釋之拜左武衛将軍處其餘泉於鬱督軍 召諸部兵皆不赴與數百騎道去侃帥精騎追至金 秋九月庚子高侃執車鼻

THE THE IN THE PAR.



陸録監生臣

張能照 鍾

葉

椿